



Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 244 (13.841)

Баҳоси эркин нарҳда



ПОЙТАХТИМИЗ ТАРАҚҚИЁТИ ВА ГУЛЛАБ- ЯШНАШИ ЙЎЛИДА ҲАМИША КАМАРБАСТАМИЗ

ДЕЙИШМОҚДА ШАҲРИМИЗ ФАОЛЛАРИ

Президентимиз Шавкат Мирзиёев раҳнамолигида Тошкентда амалга оширилаётган бунёдкорлик ишлари, йирик лойиҳалар пойтахтимиз иқтисодий, ижтимоий салоҳиятини юксалтириш, уни янада замонавий ва обод шаҳарга айлантириш, аҳоли фаровонлигини бунданда оширишдек хайрли мақсадларда хизмат қилмоқда. Шаҳримизда амалга оширилаётган ислохотлардан мақсад ҳаётимиз ободлиги, халқимиз учун муносиб турмуш шароитини таъминлашдан иборат. Халқ депутатлари Тошкент шаҳар Кенгашининг куни кеча бўлиб ўтган навбатдан ташқари сессиясида ана шулар ҳақида гап борди...



Холид КОМИЛОВ, Ўзбекистон Қаҳрамони:

— Давлатимиз раҳбари тиббиёт ходимлари, олимлар билан учрашганларида, аҳоли соғлигини сақлаш тизимини ривожлантиришга жуда катта эътибор қаратилаётганлигининг барчамиз гувоҳимиз. Сессияда бу борада энг долзарб масалалар ҳақида сўз борди. Асосийси, юртимизда шифокорларнинг малакаси ошмоқда, аҳолига тиббий ёрдам кўрсатишнинг сифати ва сон жиҳатидан даражаси ортмоқда. Соҳага ҳар томонлама кўмак кўрсатилапти. Хусусий клиникалар хусусида Юртбошимиз "Малака ошириш курсларини ташкил қилиш керак", деган фикрни билдириб ўтдилар. Ҳамжиҳатликда барча ислохотларнинг самарали амалга ошишига ишончим комил.

Козим Тўлаганов, Ўзбекистон Республикаси Қурилиш вазирининг ўринбосари:

— 2016 йил ноябрь ойида шаҳар фаоллари билан ўтказилган йиғилишда давлатимиз раҳбари Ўзбекистонда 192 та уй қурилиши, шундан 102 та уйни Тошкент шаҳрида бунёд этилиши лозимлигини таъкидлаб ўтган эдилар. Режадаги уйлар гиштдан қуриладиган бўлиб, ўша пайтда техника кам, мутахассислар ҳам етишмаётган эди. Бир сўз билан айтганда, қурилиш саноати бирмунча оқсаётган эди. Секунда ишларни бошладик. Хабарингиз бор, ўтган йили 102 та уйни қуриб-битказиб пойтахт аҳолисига топширдик. Бу йил 120 та уйни топшириш бўйича олдимизга вазифа қўйилди. Уларнинг асосий қисмини бунёд этдик. 20 тасини яқинда тугатамиз. Келаси йилда 170 та уйни битириш юзасидан ҳозирда ишлар жадал кетаяпти.

Дилбар Гуломова, "Эл-юрт ҳурмати" ордени соҳиби, меҳнат фахрийси:

— Муҳтарам Президентимизнинг сессиядаги нутқларини тинглар эканман, қалбимда фахрийтихор туйғулари жўш урди. Бутун республикамиз бўйлаб кейинги икки йил ичида мисли кўрилмаган ишлар амалга оширилганлигини ҳаммамиз кўриб турибмиз. Ушбу хайрли ишлардан нафақат халқимиз рози бўлаёпти, маъқуллаёпти, балки бутун жаҳон ҳамжамияти ҳам тасаннолар айтиб, бунга миннатдорчилик билдириб, Президентимиз Осиё бўйича "Йил сиёсатчиси" дея эътироф этилди. Сессияда Тошкент шаҳрида ҳозирги ривожланиш даврида амалга оширилаётган ишларга тўхталиб, келгусида қилинажак ишларни ҳам жуда раво, тизимли қилиб тушунтирдилар. Қўйилган вазифаларнинг ичида жуда ҳам долзарби — Тошкент шаҳрини янада гўзал қилиш, бундан-да ривожлантиришдир.

Анвар Сайфутдинов, "SANIKO GROUP" масъулияти чекланган жамияти раҳбари:

— Мен 15 йилдан бери тадбиркорлик соҳасида иш олиб бораётман. Ва охириги 5 йил давомида айнан ишлаб чиқариш билан шуғулланаяман. Тадбиркорларга енгиллик яратиш борасида ерларни ажратиш ваколатининг тажриба тариқасида шаҳар ҳокимлигига берилиши ҳақида қарорнинг қабул қилиниши ўзининг натижасини берди. Чунки, масалан мен ўзимнинг ишлаб чиқариш йўналишимни кенгайтириш ва маҳсулотимни экспорт қилиш мақсадида лойиҳамни тайёрладим. Лойиҳам муваффақиятли ўтди ва бир куннинг ўзидаёқ барча қурилишга рухсат берувчи хулосалар тасдиқланиб, менга топширилди. Бунақаси ҳали бўлмаганди.

Тўғриси, олдинлари тадбиркорлар сарсон бўлиб, эшикма — эшик юришарди. Бугунги хайрли янгиланишларнинг бари давлатимиз раҳбари раҳнамолигида Ўзбекистонда олиб борилаётган иқтисодий ислохотларнинг натижасидир.

Маҳаммадjon Зуфаров, меҳнат фахрийси:

— Президентимиз барча вилоятлар, шаҳарлар, туманлар, қишлоқлардаги вазият, мавжуд камчиликларни яхши биладилар. Шу боис сўнгги икки йил давомида юртимизда барча соҳаларда ислохотлар юқори босқичга кўтарилди. Буни бутун дунё тан олди. Буларни кўриб хорижий давлатлардан келганлар қойил қоляпти. Энди бундан кейин ишламаслик, эл-юрт манфаатлари йўлида жон куйдирмаслик мумкин эмас. Сессияда Юртбошимиз Тошкентни ривожлантириш бўйича 15 га яқин тақлифлар бердилар. Уйлайманки, тақлифлар ўз ижобатини топиб келажақда шаҳримиз янада гуллаб-яшнайд.

Ойдин Абдуллаева, бастакор, профессор:

— Президентимизнинг сессиядаги нутқларидан жуда катта таассурот олдим. Ҳақиқатан ҳам санъат, маданият соҳаларида кўрсатилаётган гамхўрлик биз учун жуда қимматли ҳисобланади. Айниқса, миллий маданиятимизни ривожлантириш концепцияси биз учун катта имкониятлар эшигини очди.

Тўғриси айтганим бўлса, сўнгги 20-30 йил ичида санъатда енгил-елпи ёндашув ҳукм сурарди. Ҳозир эса аксинча. Ўзбекистон Республикаси Конституциясининг 26 йиллиги тантаналарига бағишланган концертни бутун жамоатчилик бир овоздан эътироф этаяптики, унда фонограммдан фойдаланилмади. Холбуки, неча йиллардан бери фонограммдан воз кеча олмас эдик. Мана, бўладиган иш экан-ку.

Саҳнага ҳақиқий иқтидор эгалари чиқди. Ўз санъатларини намойиш этишди. Шуни ҳам алоҳида таъкидлаб ўтиш ўринлики, Шаҳрисабзда ташкил этилган халқаро мақом фестивали том маънода оламшумул воқеаликка айланди.

Омонулла Муталлов, "Чилонзор" маҳалла фуқаролар йиғини раиси:

— Биз дунёда энг илғор давлатлар қаторига кириб бораётимиз. Мамлакат ҳаммаминистри, шунинг учун бир ёқадан бош чиқариб ҳаракат қилишимиз керак. Мана, битта кўчадан бугун ўтиб, эртага яна келадиган бўлсан, янгиланишу ўзгаришлардан шу кўчани танимай қолаяпмиз. Бу олиб борилаётган оқилона сиёсат мевасидир.

Отабек Жиянбоев, тадбиркор:

— Ҳар жума — тадбиркорлар куни бўлди. Кимнинг қўлида лойиҳаси бор экан, ҳар хил жойларга бориб юришнинг кераги йўқ. Мана рўйхатга ёзил, қабулга кел, гаплаш, ҳоким масалангни ўрганиб, ҳал қилиб бераёпти. Реал ишларни қилиш керак. Кимлардир айтади, менга ер берилмаяпти деб. Мана марҳамат сенга ер, нима қилсан, нима қурасан? Нечта иш ўрни очасан? Қанча инвестиция олиб кирасан? Бажонидил.

Муҳтарам Президентимиз 2,7 млрд. долларлик инвестицияни Тошкент шаҳрига олиб келиш мажбуриятини бердилар. Бу тадбиркорлар учун ҳам катта масъулият.

Шоҳида Шамуталова, Тошкент шаҳар "Оила" илмий-амалий тақдирот маркази бошқарма бошлиғи:

— Ҳеч иккиланмасдан айтишим жоизки, юртимизда олиб бораётган кенг қўламли ислохотлар асрларга татигулик эркин бир соҳифа ҳисобланади. Амалга оширилаётган ишлар, қисқа фурсатда қўлга киритилаётган ютуқлар қўламли мамлакатимизнинг толеи порлоқ, истиқболи ёрқин эканлигидан далолатдир.

Айниқса оила институтини мустаҳкамлаш бўйича, энг аввало, "Соғлом оила — соғлом жамият" концептуал гоёсининг ҳаётга татбиқ этилиши ва бу борада норматив-ҳуқуқий базани янада такомиллаштириш бўйича олиб бораётган ишлари таъсирга сазовордир. Оиланинг репродуктив саломатлиги, демографик ривожланиши, унинг фаровонлиги йўлида қабул қилинган бир қатор Фармон ва қарорлар оилалар мустаҳкамлигини оширишга, фарзандларимизнинг бахтиёр яшашида, энг асосийси, жаннатмакон Ўзбекистонимизнинг янада гуллаб-яшнашида муҳим омил ҳисобланади.

XXI асоси
Барча манбалардан олинган сўнги хабарлар

МАМЛАКАТИМИЗДА

● Бухоро вилоятида ижтимоий-иқтисодий ислохотлар қандай бормоқда, уларнинг самарасини одамлар ўз ҳаётида сезяптими? Ҳали ечимини кутаётган қандай муаммолар мавжуд? Бу Халқ депутатлари Ромитан туман кенгашининг сессияси муҳокамасига қўйилган бош масала бўлди. Унда туманнинг ижтимоий-иқтисодий ҳолатини ўрганган Республика ишчи гуруҳи аъзолари, Президент Администрацияси, вилоят ва туман ташкилотлари вакиллари, депутатлар, фуқароларнинг ўзини ўзи бошқариш органлари раислари ва бошқалар иштирок этди.

● Тошкент давлат техника университетида "Энергия самарадорлиги — Ўзбекистонда энергетика соҳасини ривожлантиришнинг асоси" мавзусида халқаро илмий-техникавий конференция ўтказилди. Конференция иштирокчилари "Ўзбекэнерго", "Ўзбекгидроэнерго", "Ўзбекнефтегаз" каби акциядорлик жамиятлари, "Ўзатом" агентлиги ва қатор йирик корхоналар билан ҳамкорликда олиб борилаётган ишлар билан яқиндан таништирилди.

● Навоий шаҳрида вилоятдаги илк "Yoshlar tadbirkorlar" коворкинг маркази очилди. Ушбу замонавий марказ ёшларнинг бизнес ташаббуслари, стартаплари, гоё ва лойиҳаларини амалга оширишга кўмаклашиш, жумладан, бизнес-режа ишлаб чиқиш, ҳуқуқий маслаҳат бериш, бухгалтерия ва бошқа хизматлар кўрсатиш, форум, семинар ва маҳорат дарслари ташкил қилиш бора-бора ёшларга қулай имконият юзага келтирди.

● Қаршида фуқаролик жамияти институтлари вакиллари "Фуқаролик жамиятини ривожлантиришга қўшган ҳиссаси учун" кўрак нишонини топширишга бағишланган тадбир бўлиб ўтди. Тадбир доирасида Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди томонидан ўтказилган навбатдаги танлов натижаларига кўра вилоятдан голиб деб топилган лойиҳалар муаллифига давлат гранти сертификатлари топширилди.

ЖАҲОНДА

● Россиянинг Екатеринбург шаҳрида аҳолига ўзига хос Янги йил совғаси тайёрланмоқда — бу ерда муздан шаҳар бунёд этилмоқда. Туну кун қурувчиларнинг қўли қўлига тегмаяпти. Ҳатто, муз шаҳри марказига илк бор пластикдан ясалган эмас, балки ўрмондан баландлиги 20 метрлик ҳақиқий арча олиб келиб ўрнатилди. Муз шаҳрининг очилиш маросими 28 декабрда бўлиб ўтди.

● Куба пойтахти Гавана шаҳри атрофидаги дамбанинг декабрь ойида камдан кам юз берадиган кучли бўрон тўғрисида бузилиб кетиши натижасида пойтахтда кучли сув тошқинлари рўй берди. Ҳозирда бу ерда кутқарувчилар ишламоқда.

● Буюк Британиянинг The Legatum Institute таҳлилий маркази томонидан навбатдаги йиллик фаровонлик рейтингини эълон қилди. Мазкур рейтинг хавфсизлик ва муҳофаза, таълим, соғлиқни сақлаш, иқтисодийёт, бизнес муҳит, шахсий эркинлик каби тўққизта кўрсаткич асосида тузилган. Фаровонлик — 2018 рейтингининг дастлабки ўнлигида Норвегия, Янги Зеландия, Финляндия, Швейцария, Дания, Швеция, Буюк Британия, Канада, Голландия, Ирландия каби давлатлар етакчилик қилмоқда. Шунингдек, ривожланган мамлакатлардан Германия 14, АҚШ 17, Франция эса 20-ўринда бормоқда.

ФОЛИБ СПОРТЧИЛАРИМИЗ ТАҚДИРЛАНДИ

Хабар қилингандек, Президентимиз Шавкат Мирзиёев раҳбарлигида жисмоний тарбия ва спортни ривожлантиришга қаратилаётган алоҳида эътибор самарасида мамлакатимиз ёшлари истеъодли, азму шижоатда тенгсиз авлод бўлиб вояга етмоқда...

2018 йил ҳам спортчиларимиз учун галабали онларга бой бўлди. 6-18 октябрь кунлари Аргентина пойтахти Буэнос-Айрес шаҳрида ўтказилган III ёзги ўсмирлар Олимпия ўйинларида Ўзбекистон делегацияси аъзолари 5 олтин, 4 кумуш ва 7 бронза медални қўлга киритди...

давлатимиз раҳбарининг спортни ривожлантиришга қаратаётган доимий эътибори туфайли жисмоний тарбия ва спорт имконияти чекланган ёшлар ўртасида ҳам тобора оммалашиб бораётгани, паралимпиячиларимиз турли нуфузли мусобақаларда юкори натижаларга эришаётганини алоҳида таъкидлади...



НУРОНИЙЛАРИМИЗ ИШТИРОКИДАГИ СПОРТ ҲАФТАЛИГИ

Ўқинда Учтепа туманидаги Кўҳна Чўпон ота маҳалласидаги спорт мактабида ўтказилган навбатдаги машғулотларда кекса отахон ва онахонлар иштироки кенг қамраб олинди.

Тадбир "Нуроний" жамғармаси Учтепа туман бўлими томонидан ташкил этилди. Тадбир аввалида барча иштирокчиларга жамғарма томонидан спорт футболкалари тақдим этилди...

ларини кузатиб уларнинг куч ва ғайратларига яна бир бор таҳсин айтдик. Бу оммавий тадбирни бир ҳафталик эмас, доимий ва давомли бўлишини таъминлаш жоиз...

Гулиногор САТТОВА СУРАТДА: тадбирдан лавҳа Тимур Камиллов олган сурат

Билиб қўйган яхши

Йилнинг совуқ ойларида турли вируслардан ҳимояланиш мумкинми? Мавсумий шомоллашлардан қочиб қутулиб бўлмайди, деб ўйлаш адасасиз. Барчамиз профилактика ҳақида эшитганимиз, аммо негадир уни ўтказмаймиз.

САЛОМАТЛИГИНГИЗ ЎЗ КЎЛИНГИЗДА

Ё бўлмаса биз мўъжизакор деб билган вирусга қарши препаратлар билан организм табиий ҳимоя кучларининг яна ҳам сусайишига сабаб бўламиз. Профилактика эса организм иммунитетини мустаҳкамловчи комплекс чора-тадбирлар демакдир...

ҲАРБИЙ-ВАТАНПАРВАРЛИК ОЙЛИГИ

Давлатимиз раҳбари жорий йил 13 декабр кунини "Ўзбекистон Куролли Кучлари ташкил этилганлигининг 27 йиллиги ҳамда Ватан ҳимоячилари кунини нишонлашга тайёргарлик кўриш ва ўтказиш чора-тадбирлари тўғрисида"ги фармойишни имзолади.

Фармойишга кўра, Ўзбекистон Республикаси Куролли Кучлари ташкил этилганлигининг 27 йиллиги ҳамда Ватан ҳимоячилари кунини нишонлашга тайёргарлик кўриш ва уни ўтказишга бағишланган ватанпарварлик ойлигини 2018 йил 15 декабрдан 2019 йил 15 январга қадар ўтказиш бўйича тадбирлар дастури тасдиқланди...

Шоирлар шеърятни овоз шалолага қиёслайди. Ундаги заррин фикрлар уҳдаси қалбга майин шовқин солади. Яна ва яна ёрқин туйғулар сари таппинасиб. Шу тариқа вужудингизда эзгулик салтанати қурилади...

КУЧЛИЛАР АНИҚЛАНДИ

Республика болалар кутубхонасида "2018 йилнинг энг истеъодли ёш шоири" республика кўрик-танловини иштирокчилари шеърларини тинглаб, Ўзбекистонда камол топаётган ёш ижодкорларнинг ҳар бирини ана шундай қудрат эгаси, дейишга журъат этдик...

Моҳигул ҚОСИМОВА

О. ЯХШИБОВ тайёрлади

Ўзидромет Хабар қилади. Тошкент шаҳрида 24 декабр кунини ҳаво ўзарови тарафидан Шарқдан ғарбга йўналишни ўзгартирган шомол секундида 5-10 метр тезликда шомол эсади...